



MAJLIS PERBANDARAN SEBERANG PERAI

TEKS UCAPAN

**YBHG. DATO' Sr HAJI ROZALI BIN HAJI MOHAMUD
YANG DIPERTUA
MAJLIS PERBANDARAN SEBERANG PERAI**

SEMPENA

**MAJLIS PELANCARAN PENGUMPULAN PENUTUP
BOTOL MINUMAN BAGI MENYIAPKAN MURAL 3D
DENGAN KERJASAMA UNIVERSITI PENDIDIKAN
SULTAN IDRIS**

TARIKH / MASA / TEMPAT

**25 JULAI 2018 (RABU)
11.00 PAGI**

**AUDITORIUM
MENARA MPSP
JALAN PERDA UTAMA, BANDAR PERDA
BUKIT MERTAJAM**

Terima kasih Saudara/Saudari Pengacara Majlis

Yang Dihormati Ahli Majlis-Ahli Majlis

Majlis Perbandaran Seberang Perai

Yang Berusaha Puan Ir Hjh Rosnani bt Hj Mahmud

Setiausaha Perbandaran

Majlis Perbandaran Seberang Perai

Yang Berbahagia Profesor Madya Dr. Norkhalid Bin Salimin

Pengarah Pusat Transformasi Komuniti Universiti (UCTC)

Universiti Pendidikan Sultan Idris

Yang Berbahagia Profesor Madya Dr. Mohd. Fauzi Bin Sedon @ M. Dom

Pensyarah

Fakulti Seni, Komputeran dan Industri Kreatif

Universiti Pendidikan Sultan Idris

Ketua-Ketua Jabatan dan Pegawai-Pegawai Kanan

Majlis Perbandaran Seberang Perai

Pegawai-Pegawai dari Universiti Pendidikan Sultan Idris

Rakan - Rakan Media

Tuan-Tuan Dan Puan-Puan Yang Dihormati Sekalian

Assalamualaikum warahmatullahi wabarakatuh,

Selamat pagi dan salam sejahtera,

Alhamdulillah, bersyukur kehadiran Allah S.W.T. kerana dengan izin dan limpah kurnianya dapat kita bersama-sama pada hari ini dalam Majlis Pelancaran Pengumpulan Penutup Botol Minuman Bagi Menyiapkan Mural 3D.

Terlebih dahulu, saya mewakili Majlis Perbandaran Seberang Perai mengalu-alukan kehadiran Yang Berbahagia Profesor Madya Dr. Norkhalid Bin Salimin, Yang Berbahagia Profesor Madya Dr. Mohd. Fauzi Bin Sedon @ M. Dom dan pasukan daripada Universiti Pendidikan Sultan Idris.

Untuk makluman Yang Berhormat, tuan-tuan dan puan-puan, Universiti Pendidikan Sulatan Idris (UPSI) telah banyak melibatkan diri dalam mendidik komuniti (masyarakat) dari segi pemindahan ilmu (*knowledge transfer*), memberi latihan dan kursus dan juga berkerjasama dengan masyarakat dalam pelaksanaan program. Salah satu daripada fokus projek adalah kehijauan alam sekitar di mana mereka mengoptimalkan penggunaan sumber seperti tenaga manusia dan bahan-bahan buangan ke arah pemeliharaan dan pemuliharaan alam sekitar.

Salah satu kaedah yang dilaksanakan adalah projek di bawah Fakulti Seni, Komputeran dan Industri Kreatif yang melibatkan secara langsung atau tidak langsung unsur-unsur 3R (*Reduce, Reuse, Recycle*) melalui aktiviti-aktiviti seni dan karya *recycle art* dan *mixed media sculpture*. Di sini bahan-bahan buangan dijadikan sumber dalam menghasilkan karya seni.

Pihak UPSI telah menyatakan kesudian untuk bekerjasama dengan MPSP dalam usaha menggunakan bahan buangan untuk dijadikan karya seni. Saya ingin merakamkan sekalung penghargaan dan ribuan terima kasih di atas kesudian mereka untuk berkerjasama dengan MPSP dalam menghasilkan Mural 3D di Menara MPSP dengan menggunakan penutup botol minuman.

Kerjasama dengan pusat-pusat pengajian tinggi jelas menunjukkan kaedah kreatif MPSP dalam *unlocking the power of partnership* melalui pendekatan 7Ps (*People, Public, Private, Philanthropy, Philosopher, Planet Partnership*). Dengan pendekatan *philosopher partnership*, MPSP telah berjaya bekerjasama dengan Universiti Pendidikan Sultan Idris untuk menjayakan program-program seumpama ini dalam meningkatkan kesedaran di kalangan warga Seberang Perai dalam kepentingan pemeliharaan dan pemuliharaan alam sekitar serta pengurusan bahan buangan. Ini merupakan satu teladan yang baik dan saya amat berharap

kerjasama dalam bentuk usahasama ataupun penajaan dapat ditingkatkan untuk tahun-tahun hadapan dan seterusnya. Saya juga menyeru agar lebih banyak penaja tampil ke hadapan untuk bersama-sama MPSP dalam menjayakan program-program seumpama ini.

Para Hadirin Yang Dihormati Sekalian,

Seberang Perai mempunyai *competitive advantage* dalam pembikinan produk *upcycle* bermula dengan membuat beg dari *banner* terpakai, anyaman kertas majalah, menggunakan kotak minuman dan pembungkus untuk dijadikan beg, rantai dan gelang tangan. Syarikat gergasi antarabangsa (MNC) sentiasa memberi penekanan untuk meningkatkan *competitive advantage* supaya syarikat mereka sentiasa *superior* dalam pasaran. Justeru, MPSP mengikut jejak yang sama supaya kekal relevan. MPSP telah membina *Upcycle Park* pertama di Malaysia hasil dari keringat wira orange. Hari ini, MPSP sekali lagi bersama UPSI untuk menghasilkan mural melalui "*Re-Imagining Waste as a Resource*"

Penekanan untuk mencapai bandaraya rendah karbon adalah dengan menetapkan sasaran untuk mencapai kadar kitar semula sebanyak 70% dan beratan sampah ke tapak pelupusan sampah dikurangkan sehingga 50% pada tahun 2022 dalam Pelan Strategi Seberang Perai 2018 – 2022. Kadar sampah yang dihasil perkapita didapati berkurang daripada

1.6kg/orang/hari pada tahun 2016 kepada 1.09kg/orang/hari pada tahun 2017 dan disasarkan terus berkurangan kepada 0.8kg/orang/hari pada tahun 2022.

Para Hadirin Yang Dihormati Sekalian,

Tahun ini buat julung kalinya, MPSP telah memperkenalkan Pertandingan Melukis Mural Sekolah Menengah pada 27 Mac 2018 yang lalu, melalui Program LA21. Tujuan pertandingan ini adalah untuk mewujudkan kesedaran konsep 8R dan kepentingan '*smart consumption*' bagi penjagaan alam sekitar demi masa hadapan di kalangan pelajar. 8R merupakan satu konsep yang penting di mana semakin kurang sampah yang dihasilkan, maka kita dapat menjimatkan kos menguruskan sampah, menjaga alam sekitar dan memanjangkan jangka hayat tapak pelupusan sampah yang sedia ada iaitu di Pulau Burung.

Pertandingan Lukisan Mural di sekolah memberi gambaran 8R secara kreatif, manakala penghasilan Mural 3D yang akan dihasilkan kali ini pula menggabungkan secara praktikal bagaimana barang buangan digunapakai untuk menghasilkan sesuatu yang amat kreatif dan memberi impak visual kepada pengunjung-pengunjung yang datang ke Menara MPSP. Projek ini adalah perkongsian visi kreatif "*Re-Imagining Waste as a Resources*" dan kaedah "*MPSP Smart Consumption*" iaitu 8R.

“Re-Imagining Waste as a Resource” adalah cara kita melihat bahan buangan sebagai khazanah atau sumber dan boleh diubah suai atau dicipta menjadi sesuatu yang berkualiti. Program membuat Mural 3D di Menara MPSP adalah menggunakan konsep *“Re-Imagining Waste as a Resources”* di mana mural yang akan dihasilkan menggunakan penutup botol minuman yang dibuang. Mural 3D ini adalah berdasarkan gambar-gambar pemandangan di Seberang Perai yang dipilih. Projek ini diketuai oleh Prof Dr Fauzi Sedon @ M. Dom daripada UPSI dan sebanyak empat (4) Mural 3D dijangka disiapkan sebelum akhir tahun ini. Projek penyediaan mural-mural ini akan mula dilaksanakan pada 21 hingga 23 September 2018. Secara keseluruhannya pelaksanaan program ini melibatkan kos sebanyak RM40,000.00.

Para Hadirin Yang Dihormati Sekalian,

Untuk menjayakan program membuat mural 3D ini, sekurang-kurangnya 71,000 unit penutup botol perlu dikumpulkan. Untuk itu, MPSP memerlukan lebih 300 sukarelawan bagi program pengutipan dan pengumpulan tudung botol minuman. Program pengutipan dan penyediaan Mural 3D ini akan dicadangkan untuk dimasukkan ke dalam *Malaysia Book of Records*. Oleh itu, saya menyeru warga Seberang Perai untuk mendaftar diri sebagai sukarela dalam program pengutipan penutup botol minuman ini.

Pendaftaran boleh dibuat dengan mendapatkan boring pendaftaran melalui laman web www.mpsp.gov.my.

Saya menyeru kepada para hadirin sekalian dan warga Seberang Perai untuk terus membantu MPSP dalam menjaga Seberang Perai supaya lebih bersih dan cantik serta mempunyai penduduk yang sihat seajar dengan *tagline* MPSP iaitu “**Seberang Perai Aspirasi Bandar Masa Hadapan**” atau “**Seberang Perai Aspiring City of Tomorrow**”.

Akhir kata, terima kasih kepada rakyat yang telah menyokong semua usaha yang telah dibuat oleh MPSP selama ini dan menyeru penglibatan seluruh warga Seberang Perai untuk menyokong inisiatif-inisiatif yang direncanakan oleh MPSP ke arah pembentukan sebuah Bandaraya Rendah Karbon dan Bandaraya Pintar menjelang tahun 2022. Terima kasih sekali lagi kepada pihak UPSI atas kerjasama dan sokongan yang diberikan untuk menjayakan program ini. Kepada para sukarelawan yang mendaftar diri untuk program pengumpulan penutup botol minuman, saya mengharapkan kesungguhan dan mendoakan kejayaan.

Sebagai mengakhiri kata-kata, dengan lafaz BISMILLAH saya dengan ini merasmikan Majlis Pelancaran Pengumpulan Penutup Botol Minuman Bagi Menyiapkan Mural 3D Dengan Kerjasama Universiti Pendidikan Sultan Idris.

Sekian,

Wabillahi Taufik Wal Hidayah, Wassalamualaikum Warahmatullahi

Wabarakatuh.

Terima kasih.